

Engmann

SCHNITZELBANK

ENDSCHIESSEN

1987

K. Thüning

H. Engmann

JOSEF BADERTSCHER

S'isch Nacht und dunkel doch net still
s'isch trurig wenn me Schlafe will.

Frau Badertscher duet furchtbar Klage
denn ihre Ma duet Holz versage.

Doch nach em Klage duet sie lache
und ihre Ma duet dra verwache.

De Sepp frogt nach em Grund vom Lache,
sie seid wotsch ned e Pause mache.

In Eisedle es isch net wit
gits Wunder no i dere Zyt.

Obwohl ihn det no niemer kennt
liegt er z'Eisidle bald im Trend

Vom Bus us kündt er d'heilig a
dass er wieder laufe cha.

Es witors Wunder wärs wenn er
hüt Znacht no fähig zlaufe wär.

AS WUNDER!!! AS WUNDER!!
I BI WIEDER GEHEILT...
I CHA WIEDER LAUFE!!



THUERIG KURT

De Thürig Kurt merkt a sim Stei
hüt fahr i nümme selber hei.

De Hartwig isch en liebe Ma,
er bütet sich als Fahrer a.

Es bitzli spöter denn ihn hett
si Frau scho glückli au im Bett.

Doch ach er spürt mit Uebelheit
de Druck scho vo der Flüssigkeit.

Er weiss net recht wo me mol cha
drum stoht er halt am Chaschte a.

Si Frau druf führt mit gschickter Hand
de Kurt mit wenig Widerstand
as stille Örtli und mit Bruse
goht's unde det und obe use.



Carrying on from
the previous

Loni
1970


KUETTEL FREDY

De Manfred isch au uf de Pirsch
doch jagt er Wildsäu, Reh und Hirsch.

Und net nur Müüs so wie ne Maudi,
nei grossi Tier mit eme Audi.

Und landet er emol im Dräk
so chunnt er immer wieder weg
sin Motor trybt 4 Rädli a,
dass er sich useschaukle cha.

Es isch passiert nach Bottewil
do nütze d'Rädli au nüem viel
Nüem rückwärts gohts und nüemme vor
drum hilft ihm nur no de Traktor.



ES WÄRE SCHÖN
AN VOGELDSI !!!

ONI
Foto

JAKOB BLEIKER

De Köbi wie mir alli au
isch intressiert für Tageschau
und hätt denn au de beshti Wille
die Neugier für ne halb Stund z'stille.
Doch 10 Minute Sesselrue
und scho falle ihm d'Auge zue.

Aber au weh, es konnt no schlimmer
er handelt au mit Altertümmer.


Die hät er e'mol, sehr versiert
in ere Zitig inseriert.

e Kundin macht ihm saperlot
es super bombe Agebot

Scho dänkt er an e grosse Gwinn
und s'konnt em leider net i Sinn
di Kundin isch net minder schlau:
s'isch niemer anders als si Frau.

De Köbi i der Ehr gar kränkt
mit bizli Zorn no hüt dra dänkt.

ANTIQUITÄTEN



PREISLISTE
TOP
ANGEBOT



Lenz
Foto

KIENER BRUNO

De Bruno us em Schlafgemach
er chunt is Bad not nit ganz wach.

Scho bald macht er sich as Rasiere
doch würd ihn wüirklich intressiere

Werum de Schum so wyss und früsch
hüt morge au so komisch isch.

Mir säges gern dem guete Ma
er hät am Chini Zahnpasta.

De Schum inzwüsche git ihm d'wöhli,
als Deo i der Achselhöhli.

"BLENDAMED"
NOCH NIE GEHÖRT...!
MUSS EIN NEUES
DEO...??... SEIN!



Levi
Foto

ARTHUR LUETHI


Es isch bitter kalt und nümme Tag
de Thuri got mit nem Vertrag
is Nochberdorf isch er ufbroche
hett baldigi Heimkehr versproche.

Es wird zäni, elfi zwölfi au
in gröschter Sorg isch sini Frau.
Und d'Uhr schlot eis und zwöi und drei
de Thuri chont und chunt net hei.

Bim Anbruch denn vom neue Tag
ergrifft d'Frau Lüthi bittri Klag
si lütet a der Polizei:
Min Ma chunt immer no net hei.

Der Polizischt isch au net do
Si Frau het's Telefon abgno.
Si seid um Himmelwille nei,
min Ma isch au no net dehei.

Druf got me denn dem Rätsel no
me find si, keiner cha me stoh.
Bei 4 bis 5 Fläschli zämegsunke
di beide sind total betrunke.



LOVI
Foto

FURTER PETER

En Samschtig ischs, scho lang vergange,
de Club sitzt do vor mänger Stange
me fired en Geburtstag rund
und d'Stimmig stigt vo Stund zu Stund.

Uf einisch wird de Friede gstört,
do chöme, es sich jo unerhört
zwe Manne inne mit dem Wille
all Schwitzer A-Kraftwerk abzustellen.

De Peter lüpft sich gar kei Gnom
und grollt: Sind ihr gege's Atom.

Si säge Jo nach churzer Zyt
und freue sich scho uf ne Stryt.

De Peter aber nimmt's ganz liecht
und löscht de beide eifach s'Liecht
und seit: Sind Ihr scho geg's Atom,
denn bruched ihr au gar kei Strom.

Am gliche Tag, er isch no am fiire
chöme no andri Gäscht do ine.

Do spielt er mit de Serviette
en Chälner wie mer ne gern hätte.

Und froggt sie nett, was sölls denn Sie?
De Gascht: "Schenket es Bierli i."

De Chälner isch druf net verläge
und froggt "magsch es ächt au verträge?"

DENN MUEND'EM
AU KEI

LICHT HA....



10/11
Foto

VONTOBEL JUERG

De Jürg isch einer mit viel Gwicht
drum loset jetzt di folgend Gschicht.

Am end vom letschte Monet lot
ganz plötzlich sini Hosenoht.

Er seid zur Frau die Noht het Tücke
sie seid i würds mit Stahlseil flicke.

Au's Jägerglück wird ihm zu teil
drum wünsche mir ihm Weidmannsheil.


Me trifft ihn net in Fäld und Wald
viel mehr liegt sini mächtig Gstalt
im Käller vo sim schöne Hus
mit zückter Waffe vor na Muus.

Sie hockt was für ne Heldetat
grad unterem Waschautomat.

Vergäbe hät sie sich verschloffe,
e Schuss e Pips und er hät troffe.

D'Frau seid zum Glück isch si jetzt hi,
e zweite Schuss wär türer gsi.

JRGEND EINISCH
KRIEAG I DI!!!
UF ANAN ART



Fov
2006

HAEFLIGER WERNER

Am Thürig Kurt sim Hochzitsfescht
do het me gsoffe und zwar fescht.

Die muetige händs Auto gno
di andere, die hängs lo sto

De Werner isch au ganz schön gstrandet
und doch in siner Garasch glandet.

Det liiet er aber scho ganz flach
und wäht sich i sim Schlafgemach.

Er weiss, au wenn me gsoffe hätt,
got me doch agleit net is Bett.

Bald hätt de Maa scho nüt me a
und sucht verzweiflet s'Pyschama.

Wie's witer goht verrate mer net
nur dass er d'Waffe nüm gfunde het.



MARTY JOSEF

De Marty Sepp goht ganz früh uf
fahrt mit 4 Rad de Berg duruf
nach Schöftland i sis Jagdrevier
und haltet usschau nach de Tier.

Sie erschti Beute isch gar chli
es isch nur sini Jacke gsi,
vo ganz noch hät er sie erleit
vom Rest ihm d'Frau e Puppe neiht.

Vo dem het er no lang net gnue
S'Jagdfieber lot ihm gar kei Rue.

als gröschtes Ziel nimmt er sich vor
es isch sin eigener Motor.

Ach Sepp mir düent dir rote,
zum Metzger z'go und kauf de Brote.

GOTTFRIED STUTZ...
JETZT ISCH MER
AN SCHUSSSS AB!!



CHOUR PETER

De Peter, es isch scho lang vergange
isch mal uf Freiersfüsse gange.

De Huusherr isch gar fründli gsi
und füllt ne ab mit Beerliwie.

Do sötsch natürlich nid nei säge
druf goht's bald hei, doch ach e Stäge.

Stellt sich gar ungschickt i sin Wäg
de Peter gschpürt: i bi nümm Zwäg.

D'Ludmilla grift au schnell bim Mantel
er gstoche wie vo em Tarantl

Flügt D'Stäge ab de Kopf vora
und schlot sich unte d'Bire a.

Do hätt sich denn doch s'Mitleid gregt
me hätt ne ue gno und pflägt.

So chunnt er zu der 1. Nacht
be siner Frau doch ohni Macht.

So hätt sie schon vo afang a
gwüsst was sie überchunnt als Ma.

PROPANA
ON VYKLOUZE...

AUSGANG
←



JOVI
Foto

Ihr liebe Lüt sind chenerös
und sind weg dem Gedicht net bös
s'verzellt vo mänge schöne Stunde,
s'isch alles wohr keis Wort erfunde.

Mir hoffe s hätt eu allne gfalle
e schöne Sunntig wünsch mer allne.